



Broj predmeta: KSI-10-43/24
Datum: 29.02.2024. godine

GODIŠNJI PLAN PROVJERE IMOVINSKOG STANJA NOSILACA JAVNE FUNKCIJE U 2024. GODINI

Članom 23. Zakona o sprečavanju sukoba interesa u institucijama Brčko distrikta BiH, propisano je da provjera podataka iz Izvještaja može biti prethodna i redovna.

Prethodna provjera vrši se pri zaprimanju izvještaja provjerom ispravnosti formalnih elemenata propisanih članom 23. stav (2) Zakona za sve nosioce javne funkcije, shodno članu 25. Zakona Komisija za odlučivanje o sukobu interesa. Vršiti se provjera tačnosti i potpunosti podataka iz Izvještaja.

Redovna provjera Izvještaja o imovinskom stanju izvršiti će se tokom 2024. godine provjerom tačnosti i potpunosti podataka iz Izvještaja, dostavljenih od strane nosilaca javne funkcije upoređivanjem podataka iz Izvještaja sa prikupljenim podacima od organa i pravnih lica u zemlji i inostranstvu, koji raspolažu informacijama, odnosno organa i pravnih lica, koja vode evidencije o podacima, na sljedeći način:

- Za novoimenovane nosioce javne funkcije u svim organima, institucijama, pravnim licima koje osniva Distrikt, pravnim licima kojima je povjereno vršenje javnog ovlaštenja i lice koje je imenovano, odnosno na čiji izbor ili imenovanje saglasnost daje Skupština ili Vlada Brčko distrikta BiH
- Za predsjednika Skupštine i potpredsjednika Skupštine, gradonačelnika i dogradonačelnika, koordinatora, šefove odjela Vlade, glavnog revizora, šefa policije, i glavnog pravobranioca
- Za direktore i predsjednike organa, institucija, pravnih lica koje osniva Distrikt, pravnih lica kojima je povjereno vršenje javnog ovlaštenja
- Za nosioce javne funkcije čiji Izvještaji o imovinskom stanju za 2023. godinu sadrže podatke drugačijeg sadržaja u odnosu na Izvještaje iz prethodnog perioda (nova imovina auto, štednja i sl.), a čije sticanje nije opravdano godišnjim приходима, nasljeđem kao osnovom, poklon i slično
- Za nosioce javne funkcije, koji su imali privatna preduzeća (naknadno prenijeli upravljačka prava, promjene registracije u registru suda, brisani iz registra suda i slično) u cilju provjere finansijskog interesa, ostvarenog od ovih preduzeća
- Za nosioce javne funkcije, čiji članovi uže porodice, ostvaruju finansijski interes iz budžeta Brčko distrikta BiH

- Za nosioce javne funkcije, za čije postupke postoje indicije da se radi o sukobu interesa.

Redovnu provjeru podataka obavljat će stručni saradnici za sukob interesa, upoređivanjem upisanih podataka iz Izvještaja sa podacima o imovinskom stanju prikupljenim od organa i pravnih lica u zemlji i inostranstvu, koji raspolažu sa informacijama, odnosno organa i pravnih lica, koja vode evidencije o podacima, i to:

Direkcija za finansije, Osnovni sud Brčko distrikta BiH, nadležna Odjeljenja Vlade Brčko distrikta BiH, Centralne banka i poslovne banke, Policija Brčko distrikta BiH i drugi organi i institucije u zemlji i inostranstvu, koja vode evidenciju o podacima, koji posjeduju relevantne podatke za utvrđivanje postojanja sukoba interesa odnosno povrede odredaba Zakona.

Sve navedene provjere podataka će biti završene u što kraćem mogućem roku i pokrenuti postupci o povredi odredaba Zakona o sprečavanju sukoba interesa u institucijama Brčko distrikta BiH okončani najkasnije u roku od 6 (šest) mjeseci od dana pokretanja postupka.

Komisija će u narednom periodu nastojati pojačati aktivnosti u dijelu provjera stanja na računima nosilaca javne funkcije odnosno pribavljanjem izvoda stanja računa iz banaka, bez saglasnosti nosilaca javne funkcije.

Plan provjera je urađen, polazeći od činjenice da novozaposleni viši stručni saradnik za sukob interesa na određeno vrijeme, neće imati dovoljno stručnosti u ovom segmentu rada Komisije, kao ni viši stručni saradnici koji obavljaju poslove koji su iz oblasti sukoba interesa, a ne samo poslovi pravne, kadrovske i opšte prirode i slično.

Ovaj Plan provjere donesen je na 81. sjednici Komisije za odlučivanje o sukobu interesa održane 29.02.2024. godine.

Predsjednik
Komisije za odlučivanje o sukobu
interesa

Admira Mujić, dipl. pravnik

Dostaviti:

1. Web stranica
2. Evidencija i
3. Arhiva.